

御太聖  
製子德

189  
5  
33

維摩經義疏  
三

東 京 圖 書 館  
和 書 門  
釋 書 類  
二 一  
三 六  
五 五  
冊 號 架 函



維摩詰經義疏中卷之二

上官皇太子御製

佛告優波離汝行詣維摩詰問疾

第八命優波離此人十弟子中持律第一就中亦命辭辭中三重亦如前

優波離白佛言世尊我不堪任詣彼問疾

所以者何憶念昔者有二比丘犯律行以為耻

不敢問佛

○八命優波離二

初佛命

後辭三

一直辭

二釋辭五

也教阿由三

犯律內懷相

東晉書

卷之四



就第二釋辭中亦開為五第一出我呵之由，第二從時維摩詰以下正出呵事，第三從於是二比丘以下，二比丘讚嘆淨名，第四從我答言以下，優波離述嘆第五從此比丘以下，二比丘得益就第一我呵之由亦有三第一叙比丘犯律內懷之想，有二比丘犯律行以為耻不敢問佛是第二正問，第三優波離依律而答所犯者若是初篇不得悔過故知是屬第二篇然犯律既是惡中之極不別上下，皆應為慙所以唯耻如來而不耻優波離者即有二意一佛則本師亦是受戒之主故慙愧極深優波離則非本師亦非受戒之主慙愧猶可二者如來既滅三毒永無餘習都無違犯亦無誤犯故慙愧亦深優波離猶有餘

二正問

習亦有誤犯則與己氣類相似故慙愧亦可也有此二意故唯耻如來而問優波離也

來問我言唯優波離我等犯律誠以為耻不敢

問佛願解疑悔得免斯咎

從來問我言以下第二正問問意者略有三一者問疑不知已犯定屬何篇欲開輕重之相二者願教悔過方法悔凡有四一悔業本心二悔違佛意語三悔在亂心四悔當來苦果三者願或因悔過得免咎耶

我即為其如法解說

三依律而答



我即為其如法解說者第三明優波離依律而答明所犯應屬第二篇廿八中悔過若能如是罪可得免皆答己所未三事也然所以淨名致呵者則應以無相作答而還以有相答故致此呵

二正出呵事三

初正呵

時維摩詰來謂我言唯優波離無重增此二比丘罪當直除滅勿擾其心

就第二正出呵事中亦有二第一正呵第二從所以者何以下釋呵第三從其知此者以下結呵無重增此二比丘罪者明此二比丘等犯律定執實罪故來問汝汝亦存相為說

罪報則其執心彌堅亦可增新罪故言無重增也當直除滅勿擾其心者明當應為說無相遣其所執舊罪勿為說有相令其擾亂也

二釋呵一

一明罪躰空二

初直明

所以者何彼罪性不在內不在外不在中間

就第二釋中亦有二第一先明罪躰空第二從優波離顛倒是垢以下明諸法空為證罪空就第一罪躰空中亦有三第一直明罪躰空第二從如佛所說以下明罪本心空第三從如優波離以下舉問答明罪本心空彼罪性不在內者身與六根為內則是罪因不在外者境與六塵為外則是罪緣明真諦中罪躰即空無可見故云不在因緣內外也不在



中間者作罪諸具及與作罪心六識為中間釋文同上

二明罪本心空三

一心衆生淨垢本

如佛所說心垢故衆生垢心淨故衆生淨

從如佛所說以下第二明罪本心空明罪福之起必以心為本言能生心既空則所生罪躰空明矣就中亦有第三第一將欲明心空故先明心為衆生及淨垢之本如佛所說心垢故衆生垢心淨故衆生淨是也

二正明心空

心亦不在內不在外不在中間

第二正明心空心亦不在內者不在六根不在外者不在六塵不在中間者不在六識

三通結

如其心然罪垢亦然諸法亦然不出於如

從如其心然以下第三通結以心空類萬法皆空如其心然罪垢亦然者本心既空未罪自空諸法亦然不出於如者非但心罪是空一切諸法亦皆空不出於如

三問答證成三

初問

如優波離以心相得解脫時寧有垢不

從如優波離以下第三據問答證成上二重就中即有三第一問如優波離以心相得解脫時寧有垢不心相得解脫有二種解一云只汝觀心得解脫時所觀心寧有垢不

次答

我言不也



第一答我言不也者心跡卽空空中何所垢故言不也二摩法師云得解脫時謂其初成羅漢得第一解脫余時心冥逐義無復心相故答不也

維摩詰言一切衆生心相無垢亦復如是

第三一切衆生心相無垢亦復如是者正類之令解一切衆生心皆空也

唯優波離妄想是垢無妄想是淨顛倒是垢離顛倒是淨取我是垢不取我是淨

從唯優波離顛倒是垢以下釋呵中之第二明諸法空爲證罪空就中亦開爲二第一先

後正類之令解

三明諸法證

初清微

明清微上明心爲清垢之本未辨其相物謂何其言清何其言垢所以此明三倒是垢無三倒是清也第二從優波離一切法以下正明諸法空爲證罪空就第一辨清垢中則有三句妄想是垢無妄想是清者明想倒顛倒是垢無顛倒是清者明心倒取我是垢不取我是清者見倒一往倒是垢無三倒是清而就理爲論則無倒不倒可辨故云罪空也

優波離一切法生滅不住如幻如電諸法不相

待乃至一念不住諸法皆妄見如夢如燄如水

中月如鏡中像以妄想生

二正明證罪空



從優波離以下第二正明諸法空為證罪空言諸法皆然故罪亦空也

三結呵

其知此者是名奉律其知此者是名善解

呵即有二意其知此者是名奉律者言若能解罪與心一切皆空者可稱持律第一自行足也其知此者是名善解者若能如是除人罪者乃名善解法義化他行足

三讚淨名

於是比丘言上智哉是優波離所不能及持

律之上而不能說

四優波離述

我答言自捨如來未有聲聞及菩薩能制其樂

說之辯其智慧明達為若此也

從於是比丘以下釋中第三明比丘讚嘆淨名從我答言以下第四優波離述嘆

五明因呵益

時比丘疑悔即除發阿耨多羅三藐三菩提心

初直益

作是願言令一切衆生皆得是辯

後明發願

故我不任詣彼問疾

三結不堪

從是時比丘以下第五明因呵得益即有二第一直明得益疑悔即除發無上心是第二明發願令一切衆生皆得是辯是也故我不任詣彼問疾辭中第三結不堪



初佛命  
後辭一

一直辭

二釋辭二

一出致呵世二

一問出家利相

佛告羅睺羅汝行詣維摩詰問疾

第九命羅睺羅此人十弟子中持戒第一就中亦有命辭辭中三重亦如前

羅睺羅白佛言世尊我不堪任詣彼問疾

所以者何憶念昔時毗耶離諸長者子來詣我

所稽首作禮問我言唯羅睺羅汝佛之子捨轉

輪王位出家為道其出家者有何等利

就第二釋辭中亦開為三第一出致呵之由第二從維摩詰以下正出呵事第三從於是

維摩詰以下淨名勸諸長者出家就第一致呵之由中亦有一第一明長者問羅睺羅出家利相

我能如法為說出家功德之利

第二羅睺羅答我即為說出家功德之利者明得四沙門果涅槃功德道品等利也一云道品為功德無餘果為利明始修道品功德終得無餘果之利也又云功德者二種涅槃躰利者其因然所以淨名致呵者長者根機冥聞無相大乘出家而羅睺羅乖其機感為說有相小乘出家功德之利所以淨名致此呵也

二答



一正出呵事二

一舉二出家呵小

撰述

維摩經疏卷之四

時維摩詰來謂我言唯羅睺羅不應說出家功德之利

就第二正出呵事中自有三第一惣舉無相大乘二種出家直呵己有相小乘出家也第二從所以者何以下釋呵第三從若能如是以下惣結呵不應說出家功德之利者明不應違機為說有相小乘出家功德之利也

所以者何無利無功德是為出家

就第二釋呵中自有二第一舉無相出家呵己有相出家第二從羅睺羅出家者以下舉

二釋呵二

一舉无相出家呵

大乘出家呵己小乘出家標疑云所以不應說出家功德之利者何無利無功德是為出家者明無相出家即然也而為說有相出家故非也此明舉是顯非

有為法者可說有利有功德夫出家者為無為法無為法中無利無功德

有為法者可說有利有功德者明有相出家即應然也此明舉非顯是夫出家者為無為法無為法中無利無功德者於無相中發心出家則然也

羅睺羅夫出家者無彼無此亦無中間離六十

二舉大乘出家呵

一自行大乘出家

日本

維摩經疏卷之四

末

八



二見處於涅槃智者所受聖所行處

從羅睺羅出家者以下第二舉大乘出家呵  
已小乘出家就中亦有二第一據自行明大  
乘出家義第二從降伏衆魔以下據外化明  
大乘出家義羅睺羅出家者無彼無此亦無  
中間者彼者涅槃此者生死彼此既有則義  
自應有中間故云中間明大乘出家也就自  
行為論亦即無相大乘出家乃名真出家今  
前機應聞如是即無相大乘出家汝為說即  
有相小乘出家者即非也離六十二見處於  
涅槃者明大乘出家建意亦然也智者所受  
聖所行者即明此上二句  
即是衆聖所受行處也

二外化大乘出家

一降魔

初直明

降伏衆魔度五道淨五眼得五力立五根

從降伏衆魔以下第二據外化明大乘出家  
義就中亦有二第一明降魔第二從摧諸外  
道以下明制外道就第一降魔中亦有二第  
一直明降魔今降伏魔怨此句是明大乘出  
家建意必欲降令入佛道也肇法師云正道  
既受邪徑自塞經言一人出家魔官皆動斯  
之謂也從度五道以下六句因釋疑仍顯魔  
所益明物聞伏魔則疑故欲逼擾故然所以  
釋曰非故欲逼只欲令得善也度五道淨五  
眼此二句是果得五力立五根此二句是因  
此四句正明  
魔所得益



後正釋疑

不惱於彼離衆雜惡

不惱於彼離衆過惡者正釋疑明非故欲伏  
只欲離惡故也亦可六句通明所益釋疑一  
云從度五道以下六句釋所以能得降衆魔  
者只以智斷具故也六句分爲二初四句明  
智後二句明斷度五道者明下化蒼生淨五  
眼者明上求佛道立五根者因明始登信首  
永無退轉得五力者果明五根增長綽有餘  
勢故言力後二句明斷不惱於彼者言於佗  
上不起瞋離衆  
過惡者除內結

二摧外道二

初直明

摧諸外道

從摧諸外道以下第二明摧外道就中亦有  
二第一直明摧外道明大乘出家建意只欲  
制諸外道廻邪歸正也肇法師云日月不期  
去闇而闇自除出家不期摧外道而外道自  
消也

後釋疑

超越假名出淤泥無繫著無我所無所受無擾  
亂內懷喜護彼意隨禪定離衆過

從超越假名以下亦釋疑仍顯外道所得明  
只欲令離惡得善故摧非故欲惱也超越假  
名者明欲令識假實二空使不存相出淤泥  
者亦欲令出五陰淤泥無繫著者亦欲令不



存著於五陰無我所者亦欲令不存我所無受者亦欲令不受六塵此五句正明外道所得無擾亂者外無欲惱內懷喜者內無嫉妬護彼意者只欲迴邪意入正隨禪定離衆過惡者亦欲令得善離惡也此五句正釋疑明只欲令得善離惡故摧非故欲惱摧也亦可十句通明釋疑所益一云從起假名以下七句釋所以能得摧外道只以智斷兩具故能摧也七句分為二初六句明斷第七句內懷喜明智護彼意隨禪定離衆惡者通結上智斷兩德

若能如是是真出家

三德結阿

若能如是是真出家者明大乘出家中之第一三通結自行外化能具於大乘出家者乃名真出家也

三淨名勸出家四

於是維摩詰語諸長者子汝等於正法中宜其

一直勸身出家

出家所以者何佛世難值

從於是維摩詰以下釋辭中之第三明淨名勸諸長者出家就中亦有四第一直勸身出家

諸長者子言居士我聞佛言父母不聽不得出

二明長者辭



撰述

維摩經疏卷之十

家スルヲ

三淨名勸心出家

維摩詰言然汝等便發阿耨多羅三藐三菩提心是即出家是即具足

四長者隨教

尔時三十二長者子皆發阿耨多羅三藐三菩提心

三結不堪

故我不任詣彼問疾

第二明諸長者辭以父母第三淨名勸心出家第四明諸長者隨教發心出家可見故我不任詣彼問疾者

辭中第三結不堪

○十命阿難

初佛命

佛告阿難汝行詣維摩詰問疾

後辭三

第十命阿難此人十弟子中惣持第一就中亦有命辭辭中三重亦如前

一直辭

阿難白佛言世尊我不堪任詣彼問疾

二釋辭四

所以者何憶念昔時世尊身小有疾當用牛乳

一出致呵由二

我即持鉢詣大婆羅門家門下立

一乞乳

就第二釋辭中亦有四第一出致呵之由第二從維摩詰以下正出呵事第三從時我世

日本

維摩經疏卷之十

末

十一



尊以下出已，被呵，內懷之相，第四從即聞空中以下，空中出聲，和諧兩家，也就第一致呵，之由，中亦有三，第一明乞乳。

一淨名問

時維摩詰來謂我言唯阿難何為晨朝持鉢住

此

二阿難答

我言居士世尊身小有疾當用牛乳故來至此

第二淨名問，第三阿難答，即可見如餘經云，佛知波羅門當，墮無澤地獄，故將欲得濟度，故現有風病，令阿難乞乳，亦為示末世諸病，比丘乞藥方法也，淨名所以呵者，乳光經云

七聖共度一人，一佛二阿難乞乳，三淨名呵，四母牛說偈，五犢子說謁，六空中聲，七化人構乳，也就事為論淨名呵意，有四，一明法身不須乳，二迹受非實，三令外道生謗，四令諸弟子懷愧也，所以

二正呵三

維摩詰言止止阿難莫作是語如來身者金剛

一直明法身

之體諸惡已斷，眾善普會，當有何疾，當有何惱

默往阿難勿謗如來，莫使異人聞此麤言，無令

大威德諸天及他方淨土諸來菩薩得聞斯語



就第二正呵中亦有第三第一直明法身無病  
 第二從阿難轉輪聖王以下釋無病之所以  
 第三從阿難當知以下勸識法身義一云亦  
 爲一一就理正呵二舉世無疾爲况三還就  
 理爲結呵又云文中卽有五唱阿難故自爲  
 五重然大意皆同隨欲可用止止阿難者一  
 言已吐四過並成違理大甚故重言止止也  
 如來之身金剛之軀者言法身不可殞懷諸  
 惡已斷者明斷德具衆善普會者智德具當  
 有何疾者內無患當有何惱者外無逼一云  
 諸惡已斷者明無苦因衆善普會者有樂因  
 當有何疾者無苦果當有何惱者有樂果嘿  
 往阿難勿謗如來者言默往取乳莫言如來  
 有疾也一云往之言去可默去莫使異人聞

此麤言者言  
 勿令聞外道

一釋無病所以

阿難轉輪聖王以少福故尚得無病况如來  
 無量福會普勝者哉行矣阿難勿使我等受斯  
 耻也外道梵志若聞此語當作是念何名爲師  
 自疾不能救而能救諸疾人可密速去勿使人

聞

從阿難轉輪聖王以下正出呵事中第二釋  
 法身無疾之所以亦云舉世無疾爲况卽可



見

三勸誡

當知阿難諸如來身即是法身非思欲身佛為  
世尊過於三界佛身無漏諸漏已盡佛身無為  
不隨諸數如此之身當有何疾

從當知阿難以下正出呵事中第三勸誡法  
身義或云還就理結呵思者業欲者煩惱此  
二句直明法身非有業煩惱佛為世尊過於  
三界者離三界因果一云過三界枝條因果  
也佛身無漏諸漏已盡者明斷因盡亦云根  
本相滅佛身無為不隨眾數者離有為果報

此二句正釋法身如是之身當有何病者結  
法身無疾然此中諸文皆以已斷眾惡為宗  
又云金剛不壞若是眾惡已斷金剛不壞則  
是常住明矣上方便品云若非正在方丈內  
說序與流通明常  
住亦無可嫌諸矣

時我世尊實懷慚愧得無近佛而謬聽耶

即聞空中聲曰阿難如居士言但為佛出五濁

惡世現行斯法度脫眾生行矣阿難取乳勿慚

從時我世尊以下釋辭中第三明被呵內懷  
之相從即聞空中以下第四明空中出聲和

四空中出聲和

三被呵內懷相



諧兩家如居士言者述淨名妙本無病但為佛出五濁惡世現行斯法度脫衆生者述阿難應中亦非無現疾乞乳行矣阿難取乳勿慚者應中無失故勿慚也一云從行矣以下述阿難應中非無疾此上皆述上皆述淨名妙本無疾

世尊維摩詰智惠辯才為若此也是故不任詣

彼問疾

從世尊以下辭中第二結不堪

如是五百大弟子各各向佛說其本緣稱述維

摩詰所言皆曰不任詣彼問疾

從如是五百以下弟子品中第二結不堪也

菩薩品第四

於是佛告彌勒菩薩汝行詣維摩詰問疾

菩薩品第四此是顯德中之第二命菩薩問疾故因為品目也就中開為二第一別命四人第二惣結八千人皆不堪第一命彌勒菩薩就中亦有命辭辭中三重亦如前就第二

三結不堪

○二惣結不堪

○三命菩薩問

一別命四人

二惣結不堪

一彌勒菩薩

二光嚴菩薩

三持世菩薩

四善德菩薩

初佛命



釋辭中亦開為三，第一出致呵之由，第二從時維摩詰以下，正出呵事，第三從說是法時以下，因呵時衆得益致呵之由，者彌勒既是補處菩薩，昔為兜率諸天說八地以上三不退地之行，一云八地名不退，七地以下為八地作因，故稱行，今為說七地行，故云不退地之行。

彌勒白，佛言，世尊，我不堪任詣彼問疾，

所以者何？憶念我昔為兜率天王及其眷屬，說不退轉地之行。

後辭三

一直辭

二釋辭三

一出致呵由

然所以淨名致呵者，今彌勒凡有四執：一存已有，勝行二，存受記三，存菩提果四，存滅度涅槃前，二是因，執後，二是果，執今諸天，機應聞無相空行，而今以此四存為說，故則說與機差，所以淨名致此呵也。

時維摩詰來，謂我言，彌勒世尊授仁者記，一生

當得阿耨多羅三藐三菩提，為用何生得受記

乎

就第一正明被呵中，初開為二，第一從初訖，不可以身心得遣其所執四事，第二從寂滅

- 一 遺其所執三
- 二 正被呵二
- 一 无受記三
- 一 就有明三
- 一 舉三世惣難



是菩提以下廣明菩提之相就第一遣四事  
中亦開為三第一一往舉生明無受記第二  
從若彌勒得受記者以下以次第遣其所執  
捨著亦可遣其能封心就第一一往舉生明  
無受記中亦開為三第一就有明生無定故  
無受記亦可就無常門明無受記第二從若  
以無生以下就空明生空故無受記第三從  
為從如生以下就空有合門明生空故無受  
記就第一就有明無受記中開為三第一直  
舉三世惣難第二從過去耶以下有三句別  
舉三世作定難第三從若過去以下還舉三  
世無定作釋難解生略有二種一云沒此後  
一生天宮即成佛二云從天宮沒一生讓法

王家乃  
成佛

過去耶未來耶現在耶

若過去生過去生已滅若未來生未來生未至

若現在生現在生無往如佛所說比丘汝今即

時亦生亦老亦滅

第二定難可見但就第三舉三世無定釋難  
證若過去生過去生已滅故可無受記若未  
來生未來生未至故可無受記若現在生現  
在生則念念遷滅不生故亦可無受記即引

一別舉三世定難

二遷元定難



佛誠言為證即時亦生亦老亦滅者明暫無  
停住然所以但現在引佛誠言為證者過去  
未來但義未實故則一言可信但現在今  
有故但以一言難去所以引佛言為證

二就空明受記

若以無生得受記者無生即是正位於正位中

亦無受記亦無得阿耨多羅三藐三菩提云何

彌勒受一生記乎

從若以無生以下第二就空明無受記者以  
無生得受記者者提章門無生即是正位者  
會無生即真如正位也於正位中亦無受記  
亦無得菩提者正明無受記言空正位中無

三就空有合門三

一立定難

始受記終得菩提果也云阿彌勒  
受一生記乎者結生空故無受記

為從如生得受記耶為從如滅得受記耶

從為從如生以下第三就空有合門明生空  
故無受記上來但就空有別門明生空故無  
受記物謂空有合時若可得耶故此明空有  
合時亦不可得就中亦有第三第一立定難第

二從若以如生以下舉理釋難第三從一切  
衆生皆如也以下舉四如結難為從如生得  
受記耶者如是空之異名生是有之別目言  
汝計如與生合為得受記耶為從如滅得受  
記耶者滅亦有之別名或計如與滅合為得

受記耶一云彌勒計得如理生智滅煩惱故



將欲合定故云計以如理生智得受記耶如理生智滅煩惱而得受記耶

二舉理釋難

若以如生得受記者如無有生若以如滅得受記者如無有滅

從若以如生以下第二舉理釋難若如生得受記者如無有生者明如本無生如與誰合而得受記也一云若以如理生智為得受記者如中無智可生若以如滅得受記者如無有滅者明如本無滅如與誰合而得受記一云若以如理生智滅煩惱為受記者如中無煩惱可滅也

三舉四如結難

一切衆生皆如也一切法亦如也衆聖賢亦如也至於彌勒亦如也

從一切衆生皆如也以下第三舉四如結難有四句分為二雙一切衆生一切法亦如也此二句我與我所相對明空無異亦云有情無情相對衆賢聖皆如也至於彌勒亦如也此二句自他相對明無異亦云賓主相對明今此四處皆空無異者無異空中豈得為諸天子說一生當得菩提記乎私釋少異就第一先明生空故無受記中只開為二第一就有明無受記第二就空明無受記就有明無受記有如前釋但就空門明無受記中開為



撰述

維摩經疏卷之中

二第一直就空門明無受記第二從為從如生以下還就空門遣其沒此生彼之計滅之言沒言空中本無沒此生彼也

一以次遣所存四

一遣其受記

若彌勒得受記者一切衆生亦應受記所以者

何夫如者不二不異

從若彌勒以下遣其所執四事中之第一正以次第遣其所存四事遣四事故自有四第一遣其受記者彌勒得受記者一切衆生亦應受記者並決從所以者何以下釋並明彌勒與衆生性空無二故記不記亦等也

一遣其受記

若彌勒得阿耨多羅三藐三菩提者一切衆生

皆亦應得所以者何一切衆生即菩提相

第二遣菩提若彌勒得菩提者一切衆生皆亦應得者亦並決一切衆生即菩提相者釋並衆生即菩提相者有四種解一云菩提即是佛無上智言真諦中彌勒空衆生空一相無二無得不得故云若彌勒得菩提一切衆生亦得二云今言菩提即是真諦彌勒衆生皆即真諦故云一切衆生亦得三云衆生性空即智無相空故云一切衆生亦得四云一切衆生皆有菩提智理故云一切衆生亦得

日本

維摩經疏卷之中

末

三十一



二道涅槃

若彌勒得滅度者一切衆生亦當滅度所以者何諸佛知一切衆生畢竟寂滅即涅槃相不復更滅

若彌勒得滅度一切衆生亦滅度者亦有四種解一云如上空無二故得亦同得不得亦同衆生性空本來自空無復更滅應得涅槃故云無復更滅二云衆生性空即涅槃空非方更滅而即故云無復更滅即涅槃相三云即以衆生性空爲涅槃故云即涅槃相無復更滅四云衆生本有滅理故云即涅槃相非復更滅而即

四道其勝行

是故彌勒無以此法誘諸天子實無發阿耨多羅三藐三菩提心者亦無退者

從是故以下第四遣其勝行無以此法誘諸天子者此法謂其所存三不退地之勝行法也實無發菩提心者亦無退者發心者謂彌勒亦無退者謂餘人未發心之類也一云發心者謂住下初發心也無退者謂八地以上三不退也或云無以此法誘諸天子者惣結無以上所存三事爲誘諸天子也從實無發心者以下正遣所存勝行也

彌勒當令此諸天子捨於分別菩提之見

三勸捨著二

初直勸



從彌勒當令此諸天子以下遣其所執四事  
中第三結勸捨著或云此上遣其所執四事  
從此以下遣其封心就中  
亦有二第一直勸捨著

所以者何菩提者不可以身得不可以心得

第二從所以者何以下釋勸捨著明菩提非  
色故不可以身得非心故不可以心得也一  
云菩提空故不  
可以身心也

寂滅是菩提滅諸相故不觀是菩提離諸緣故

從寂滅是菩提以下正呵中第二廣明菩提  
之相上則除蕩衆相皆空不可得則物情無

廣明皆空

釋勸

寄故此就名用明無相之相是菩提之妙相  
一云上明能得果人空從當令此諸天子以  
下明所得菩提果空就中凡有廿五句分段  
各各不同而今隨文直釋寂滅是菩提者菩  
提是西國之音此言道種智此智明照寂滅  
之境故從境立名寂滅是菩提滅諸相故  
釋所以寂滅是菩提明不存諸相故也一云  
智躰即空故云寂滅是菩提滅諸相故者種  
智從境而生智躰既寂故諸相不得故云滅  
諸相故不觀是菩提者明智不存前境可觀  
離諸緣故者明緣躰既空故不觀一云觀躰  
即空故不觀離諸緣故者觀躰即空故不緣  
諸緣  
故也



不行是菩提無憶念故斷是菩提捨諸見故

不行是菩提者智不行前境無憶念故者無前境能生憶念故一云行躬即空故不行無憶念故不行也斷是菩提者諸見盡已為菩提何則離諸見故然斷非種智但能嚴智故以能嚴明菩提也又解直云智能捨諸見故言斷是菩提

離是菩提離諸妄想故障是菩提障諸願故

離是菩提離諸妄見故者智体妙絕妄想諸倒一云斷與離皆是空之異名斷是菩提亦空是也離是菩提者五見空故亦是也障是菩提障諸願故者智障生死諸願

不入是菩提無貪著故順是菩提順於如故

不入是菩提無貪著故者智無貪著不與六塵相涉入生死故云不入是菩提也一云達煩惱即空故不見十二入相會入順是菩提順於如故者智順真如空

住是菩提住法性故至是菩提至實際故

住是菩提住法性故者智住真空性智躬即空不出空法性也至是菩提至實際故者智至照實際一云智躬空極同空際也

不二是菩提離意法故等是菩提等虛空故



不二一是菩提離意法故者智觀不二一之理意者智法者境離之言空智境皆空不二也等是菩提等虛空故者智觀平等之理如虛空無高下也一云智境皆空如虛空無差別

無為是菩提無生住滅故知是菩提了衆生心

行故

無為是菩提無生住滅故者智觀空理不見三相有為一云智境皆空則是無為無為無生住滅是菩提也智是菩提了衆生心行故者佛果真智明了衆生心行差別是菩提

不會是菩提諸人不會故不合是菩提離煩惱

習故

不會是菩提諸人不會故者智能不見根塵十二入相和會也不合是菩提離煩惱習故者智觀煩惱即空乃至無餘習故無煩惱聚合生死一云不與六塵合是菩提何則不合時能離煩惱習故

無處是菩提無形色故假名是菩提名字空故

無處是菩提無形色故者明空觀不見形色所處是菩提也假名是菩提名字空故者智觀乃至名字皆空



如化是菩提無取捨故無亂是菩提常自靜故

如化是菩提無取捨故者明一切皆空也一云智躰卽空如化故無取捨無亂是菩提常自靜故者佛定常是靜是菩提智躰卽空絕於動亂何則真諦之理常自靜故

善寂是菩提性清淨故無取是菩提離攀緣故

善寂是菩提性清淨故者佛順寂滅之理常清淨一云智躰善寂本來清淨無取是菩提離攀緣故者明不見前境可取離攀緣故者攀緣躰卽空故一云智躰卽空無取何則離於攀緣故

無異是菩提諸法等故無比是菩提無可喻故

微妙是菩提諸法難知故

無異是菩提不見前境可異諸法等故者明一切皆空平等故一云諸佛功齊故云無異十力四無畏等故言諸法等故無比是菩提無可喻故者智非譬况所及一云佛並絕金剛以下之所形待故言無比微妙是菩提諸法難知故者智躰微妙絕於塵累非下情所測故云難知也

世尊維摩詰說是法時二百天子得無生法忍

二因時衆得益



三結不堪

故我不任詣彼問疾

從世尊以下第三因時衆得益故我不堪任詣彼問疾者辭中第三結不堪

○一命光嚴并一

佛告光嚴童子汝行詣維摩詰問疾

初佛命

第二命光嚴菩薩就中亦有命辭辭中三重亦如前就第二釋辭中亦有第三第一出致呵之由第二從直心是道場以下正出呵事第三從說是法時以下因呵得益

後辭二

初直辭

光嚴白佛言世尊我不堪任詣彼問疾

二釋辭二

一出致呵由四

所以者何憶念我昔出毗耶離大城時維摩詰

一淨名光嚴逢

方入城

我即爲作禮而問言居士從何所來

二光嚴問來

答我言吾從道場來

三淨名答

我問道場者何所是

四光嚴復問

就第一致呵之由中亦有四第一明淨名與光嚴相逢第二明光嚴致敬問其所從來處第三淨名答從道場來第四光嚴復問道場何處是然所以此光嚴被呵者就理爲論大士万行皆能利益衆生同歸佛果故莫非道場而光嚴但識釋迦得道摩竭道場則疑路



遠來疾更復近有道場故請問何所是也是以淨名呵其未廣識也

一正出呵事五  
一就諸行明場

答曰直心是道場無虛假故發行是道場能辨  
事故深心是道場增益功德故

就第二正出呵事中亦有五階第一從初訖捨有為故就諸行明場第二從四諦是道場以下就緣明場第三從降魔是道場以下就外化明場第四從十力無畏是道場以下就仰學佛地明場第五從如是善男子以下惣結上四重直心是道場無虛假故者道是能通為義場以決判為義道當佛果圓智場據學地為明明學地直心能判善惡遠感佛果

故云直心是道場無虛假故者釋信質直無虛假也從此以下訖於卅七品是道場捨有為法故以來皆是修心之美行弘佛道之平等場也發行是道場能辨事故者直心既立則能發行衆善所以能發行能辨事故深心是道場增益功德故者衆善既積其心轉深其心轉深則增益諸功德

菩提心是道場無錯謬故布施是道場不望報  
故持戒是道場得願具故忍辱是道場於諸衆  
生心無礙故精進是道場不懈怠故禪定是道



場心調柔故智慧是道場現見諸法故

菩提心是道場無錯謬故者夫由直心則能發行由發善行則心轉深心深心變為菩提心何則上弘佛道下化蒼生無所錯謬六度即兼自行外化故皆是真道之美場

慈是道場等衆生故悲是道場忍疲苦故喜是

道場悅樂法故捨是道場憎愛斷故神通是道

場成就六通故解脫是道場能背捨故方便是

道場教化衆生故四攝是道場攝衆生故多聞

是道場如聞行故伏心是道場正觀諸法故二

十七品是道場捨有爲法故

四無量心者乃是大士廣化衆生之要行故亦是道之尊場神通者由因地五通能得果上六通故是道場解脫者謂八解脫也方便者善察藥疾之宜化衆入道四攝從已而化二皆大士化物之巧行成道之要場故云是道場伏心者修心二諦之理而如理解乃稱正觀道品者若能備修則能捨生死有爲之法故云是道場

四諦是道場不誑世間故緣起是道場無明乃



至老死皆無盡故諸煩惱是道場知如實故衆生是道場知無我故一切法是道場知諸法空故

從四諦是道以下第二就緣明場四諦是道場不誑世間故者四諦為緣能生智解終得如來不誑之果也或云四諦真實不虛誑世間緣起是道場無明乃至老死皆無盡故者緣起者十二因緣因緣相感無盡也亦可因緣即空空無可盡也若能悟此因緣所由則智自明智心既明則道心自成故云緣起是道場諸煩惱是道場知如實故者解煩惱即

空仍生明解得佛故衆生是道場知無我故一切法是道場知諸法空故此二句即同釋煩惱

一就外化明場

降魔是道場不傾動故三界是道場無所趣故師子吼是道場無所畏故

從降魔是道場以下第三就外化明場降魔是道場不傾動故者明不為魔所動也降魔非故強執逼惱但欲令改惡從善生信入道故知外化行三界是道場無所起故者但欲化物雖處三界非業所繫故云無所起師子吼是道場無所畏故者說法度衆一無所畏



如師子  
吼也

四就學明場

力無畏不共法是道場無諸過故三明是道場  
無餘礙故一念知一切法是道場成就一切智  
故

從力無畏是道場以下第四就仰學佛地功  
德明場力無畏不共法是道場無諸過故者  
永絕諸惡故無過也三明是道場無餘礙故  
者諸闇永盡無滯礙也一念知一切法是道  
場成就一切智故者一念知一切法者謂  
金剛心成就一切智者仰學佛果一切智

五惣結上四重

如是善男子菩薩若應諸波羅蜜教化衆生諸  
有所作舉足下足當知皆從道場來住於佛法  
矣

從如是善男子以下第五惣結上四重菩薩  
若應諸波羅蜜者八地以上菩薩有無並照  
永無出入之異能以八万波羅蜜相應故云  
諸波羅蜜此句明自行從教化衆生以下明  
外化諸有所作舉足下足皆從道場來者八  
地以上菩薩所有施爲皆乘万善功德諸行  
而來向佛果住於佛法矣者至佛果方住從  
佛果而望爲來從因而望爲去或云諸有進

日本

法華經義疏卷之十末

三十一



止無非佛法  
故云住也

說是法時五百天人皆發阿耨多羅三藐三菩提心

故我不任詣彼問疾

從說是法時以下第三因呵得益故我不任詣彼問疾者辭中第三結不堪

佛告持世菩薩汝行詣維摩詰問疾

第三命持世菩薩就中亦有命辭辭中三重亦如前

二因呵得益

三結不堪

○三命持世菩薩

初佛命

後辭三

一直辭

二釋辭四

一出致呵由四

一魔至來之相

持世白佛言世尊我不堪任詣彼問疾

所以者何憶念我昔住於靜室時魔波旬從萬

二千天女狀如帝釋鼓樂絃歌來詣我所與其

眷屬稽首我足合掌恭敬於一面立

就第二釋辭中亦有四第一出致呵之由第二從所言未訖以下正出呵事第三從即語

魔言以下明淨名求女於魔第四從余時維摩詰以下淨名為天女說法就第一致呵之

由中亦有四第一明魔至來之相



一持世不識

我意謂是帝釋而語之言善來憍尸迦雖福應

有不當自恣當觀五欲無常以求善本於身命

財而修堅法

二以天女施持世

即語我言正士受是萬二千天女可備掃灑

四持世辭不受

我言憍尸迦無以此非法之物要我沙門釋子

此非我宜

第二明持世不識是魔從我意謂之以下是  
第三明魔以天女施持世從即語我言以下

是第四明持世辭不受然所以淨名致呵者  
魔將欲燒持世宴坐之心但恐持世不相與  
故帝釋是佛檀越諸弟子敬重所以變形作  
帝釋而來也而持世不識此事故淨名致此  
呵也

一正明被呵

所言未訖時維摩詰來謂我言非帝釋也是為

魔來燒固汝耳

從所言未訖以下第二正明被呵非帝釋也  
者直呵已不識變形也是為魔來燒固汝耳  
者呵已不識  
魔來意也



三淨名求女四

一直索

卽語魔言是諸女等可以與我如我應受

從卽語魔言以下第三淨名求女就中卽有四第一直索第二從魔卽驚懼以下明魔怖畏欲隱捨去第三從卽聞空中以下空中出聲勸與第四明魔奉女魔以畏故俛仰而與是可以與我如我應受者言持世是出家菩薩故不宜受淨名白衣故應受也次三重可見

一魔怖畏欲去

魔卽驚懼念維摩詰將無惱我欲隱形去而不能隱盡其神力亦不得去

二空中出聲勸

卽聞空中聲曰波旬以女與之乃可得去

四魔奉女

魔以畏故俛仰而與

四爲天女說法

爾時維摩詰語諸女言魔以汝等與我

一正爲說

二正說法

從尔時維摩詰以下第四爲天女說法就中亦有二第一正爲說法第二從於是波旬以

下魔見說法竟告女等共還天宮就第一正爲說法中亦有二第一正說法第二從汝等已發道意以下復爲說法樂以代其五欲樂也就第一正說法中亦有二第一令知屬已

一勸發心

今汝皆當發阿耨多羅三藐三菩提心

撰述 維摩經義疏卷之中

日本

維摩經義疏卷之中

三十四



二從所宜說

卽隨所應而爲說法令發道意

第二從今汝以下勸發心第三從卽隨所應以下各從所宜爲說也

二復爲說法樂四

復言汝等已發道意有法樂可以自娛不應復

一淨名勸應用

樂五欲樂也

二天女問法樂相

天女卽問何謂法樂

從復言汝等以下第二復爲說法樂夫女人之性以樂爲美若不明法樂以代其五欲樂者恐難忘其五欲樂所以明此法樂以代其五欲樂也就中亦有四第一淨名開法樂勸

應用第二天女等問法樂之相天女卽問何謂法樂是第三從答言樂常信佛以下廣列法樂第四結是爲菩薩法樂是

三廣列法樂四

答言樂常信佛樂欲聽法樂共養衆

一就三寶法樂

樂離五欲樂觀五陰如怨賊樂觀四大如毒蛇

二就厭惡法樂

樂觀內入如空聚

就第三廣列法樂中亦開爲四第一就三寶明法樂第二從樂離五欲以下就厭離惡門明法樂第三從樂隨道意以下就修善門明法樂第四從樂伏衆魔以下就善惡雜門明



法樂，夫天下事品雖羅要在離惡取善必以  
三寶為本所以第一先就三寶為明也第二  
厭惡純  
是自行

三就修善法樂

樂隨護道意樂饒益衆生樂敬養師樂廣行施  
樂堅持戒樂忍辱柔和樂勤集善根樂禪定不  
亂樂離垢明慧樂廣菩提心

四就雜門法樂

樂降伏衆魔樂斷諸煩惱樂淨佛國土樂成就  
相好故修諸功德樂莊嚴道場樂聞深法不畏

樂三脫門不樂非時樂近同學樂於非同學中  
心無恚礙樂將護惡知識樂親近善知識樂心  
喜清淨樂修無量道品之法

就第三修善中即自行外化兼明則可見第  
四雜門中亦兼明自行外化衆魔者四魔深  
法者大乘法一乘畏故言莫畏亦云深法是  
無生理凡夫若聞畏而不信故云不畏三脫  
門者三空門非時一乘中途果同學者發菩  
提心同求佛果之類一云凡同學謂己志所  
迹非同學者謂二乘不同大士所行故云非  
同學亦云凡違我志者皆是非同學惡知識



者忍惡，不從聖教者，也善知識者，改慎從聖教者也。心喜清淨者，隨喜，佗善，不使嫉妬。

四結

是為菩薩法樂

是為菩薩法

樂者第四結

一魔告還七

一魔告天女欲還

於是波旬告諸女言，我欲與汝俱還天宮。

從於是波旬以下，說法中之第二魔見說法，竟告天女還天宮，就中有七重第一魔告女等欲還，天宮第二從諸女言以下，天女辭不欲還，第三從魔言居士以下，廣求放於淨名，第四從維摩詰言以下，淨名許放，第五從於是諸女問以下，天女請問住天宮之法，第六

從維摩詰言以下，為說住天宮之法，第七從介時天女以下，天女致敬，隨魔還天宮，我欲與汝俱還天宮者，上與者聞空中聲畏而與，非其心故求欲還也，第二第三可見。

一 天女辭不欲

諸女言，以我等與此居士有法樂，我等甚樂不

復樂五欲樂也。

二 魔求放淨名

魔言，居士可捨此女，一切所有施於彼者，是為

菩薩。

四 淨名許放

維摩詰言，我已捨矣，汝便將去，令一切衆生得



法願具足スルヲ

第四淨名許捨我已捨矣汝便將去者本為說法故愛說法既竟無可惜也令一切衆生得法願具足者大士因事發願故云令一切衆生得法願具足如魔得女願心滿也

於是諸女問維摩詰我等云何止於魔宮

第五天女問住天宮之法我等云何止於魔宮者昔為魔類今作菩薩則邪正有別那得共住魔宮也

維摩詰言諸姊有法門名無盡燈汝等當學無

五天女問住官法

六為說住魔法

一正舉燈法門勸

盡燈者譬如一燈然百千燈冥者皆明明終不盡如是諸姊夫一菩薩開導百千衆生令發阿耨多羅三藐三菩提心於其道意亦不滅盡隨所說法而自增益一切善法是名無盡燈也

汝等雖住魔宮以是無盡燈令無數天子天女

發阿耨多羅三藐三菩提心者為報佛恩亦大

饒益一切衆生

一勸流通



第六為說其住魔之法，就中亦有二第一、正舉無盡燈，法門勸學第二、從汝等雖住魔宮以下勸流，通可見也。

七天女敬還宮

爾時天女頭面禮維摩詰足，隨魔遠宮，忽然不

現

三結不堪

世尊維摩詰有如是自在神力智慧辯才，故我

不任詣彼問疾

從今時天女以下第七、明天女致敬，隨魔還天宮，從世尊以下，辭中第三結不堪。

四命善得菩薩

初佛命

佛告長者子善德：汝行詣維摩詰問疾。

後辭三

第四命善得菩薩，就中亦有命辭辭中，三重亦如前。

善德白：佛言，世尊我不堪任詣彼問疾。

二釋辭二

所以者何？憶念我昔自於父舍，設大施會，供養

一出致呵由

一切沙門婆羅門及諸外道貧窮下賤孤獨乞

人，期滿七日。

就第二辭中，亦有三第一出致呵之由，第二從時維摩詰以下，正出呵事，第三從世尊說

日本

維摩經義疏卷之中

末

三五九



是法時以下因呵得益然所以被呵者此善  
得立意三年集財七日大施淨名呵者即有  
四意一財施雖多猶有窮竭二財不益神三  
前來得精後來得麤四當干施時猶有先後  
不能一時等與所以今舉法施呵已財施然  
既言菩薩隨機施化故則無所不為且布施  
是六度之初行亦入四攝何意為呵者明非  
施財施是不可為但已財施為極故淨名致  
此呵也其欲呵者即應早呵所以既滿七日  
方來呵者財施雖不如法施亦理非不修若  
七日未滿則其所指無次第  
所以須滿七日方來呵也

時維摩詰來入會中謂我言長者子夫大施會

一正出呵事五

一真舉法施呵其施

不當如汝所設當為法施之會何用是財施會

為

就第二正出呵事中開為五重第一直舉法  
施呵其財施第二從我言居士以下善得問  
法施第三從法施會者以下一往略舉法施  
直答其問第四善得復問法施躰相何謂也  
是第五從謂以菩提以下廣列法施躰相夫  
大施會不當如汝所設者明不應二年聚財  
七日行施此句正非其財施當為法施之會  
者明法施始有資神益解終得微妙極果此  
句勸法施何用是財施會  
為者結財施不應為也



一善德問法施

我言居士何謂法施之會

三往界答

法施會者無前無後一時供養一切衆生是名

法施之會

我言居士何謂法施之會者第二善德問法施從法施會者以下第三一往略舉法施直答其問法施會者無前無後一時供養一切衆生者明法施不同財施有四劣之異一言宜唱有識同聞各各得益遠資法身慧命是名法施會者結法施

四善德復問

曰何謂也

何謂也者第四善德復問法施躰相上雖聞法施寂勝一時同益而未聞其躰相故今復問其躰相也或云此言何謂也者非善得語此是淨名將欲廣明法施之相故更自立問何謂也

五廣明法施躰相

一正明

謂以菩提起於慈心以救衆生起大悲心

初自行

從謂以菩提以下第五廣明法施躰相就中即有二第一正明法施躰相第二從如是善男子以下結勸法施就第一正明法施躰相中即有卅二句分爲二第一初十六句明自行第二從於身命財以下十六句明外化行謂以菩提起於慈心者解有二種一云欲化



衆生令得菩提果者應起慈心二云若見前人欲以菩提樂施衆者教化令起慈心下諸句亦然隨欲可用以救衆生起大悲心者明拔苦必以大悲

以持正法起於喜心以攝智慧行於捨心

以持正法起於喜心者言嫉妬能障諸善故應起喜心以攝智慧起於捨心者智慧是無相之真解若非捨心則正智無由可攝故起捨心

以攝慳貪起檀波羅蜜以化犯戒起尸羅波羅

蜜

以攝慳貪起檀波羅蜜者教令起布施行以化犯戒起尸羅波羅蜜者教應起持戒行

以無我法起羸提波羅蜜以離身心相起毗梨

耶波羅蜜

以無我法起羸提波羅蜜者若非忍則存彼我不能平心故起忍以離身心相起毗梨耶波羅蜜者言能不存身心必由精進而得或云若存身心則精進不成

以菩提相起禪波羅蜜以一切智起般若波羅

蜜



以菩提相起禪波羅蜜者菩提果必由禪定而得故以一切智起波若波羅蜜者一切智是果波若是因明果智必由因解而成

教化衆生而起於空不捨有爲法而起無相

教化衆生而起於空者雖欲化物若不由空則化存偏故不捨有爲法而起無相者言有無並用萬事備成故

示現受生而起無作護持正法起方便力

示現受生而起無作者無作是空即同上句護持正法起方便力者正法如來勸誡二教

與理不違故稱正爲物作則故言法若非方便無以護通正法故

以度衆生起四攝法以敬事一切起除慢法

以度衆生起四攝法者四攝爲化物之要行以敬事一切起除慢法者可知

於身命財起三堅法於六念中起思念法

從於身命財以下第二明外化行於身命財起三堅法者捨煩惱身命財修法身慧命法財也於六念中起思念法者於戒施天佛法僧思念不忘

於六和敬起質直心正行善法起於淨命

後外化行



於六和敬起質直心者身口意為三四時得重養與人共之五持戒清六修漏盡慧若行六即與物相和而有敬非直心無以具六法正行善法起於淨命者明若欲正行善法不以邪心為命故云起於淨命如法得財為淨命

心淨歡喜起近賢聖不憎惡人起調伏心

心淨歡喜近賢聖即令人心淨和悅近愚即生憂苦不憎惡人起調伏心者若能自調伏心即三毒不起故不憎惡人

以出家法起於深心以如說行起於多聞

以出家法起於深心者出家難事薄心非成故起深心以如說行起於多聞者雖欲如說行若不多聞無由得故

以無諍法起空閑處趣向佛慧起於宴坐

以無諍法起空閑處者空閑能無諍故趣向佛慧起於宴坐者非定心無由向佛慧故也

解衆生縛起修行地以具相好及淨佛土起福

德業知一切衆生心念如應說法起於智業知

一切法不取不捨入一相門起於惠業



解衆生縛起修行地者若自行不能安得濟衆以具相好及淨佛土起福德業者非福德非可得成故知一切衆生心念如應說法起智業者不修因中智業無由得佛果此句據有爲明知一切法不取不捨入一相門起於慧業者據空爲明欲得佛果亡想真解者必須因中修惠業而得

斷一切煩惱一切障礙一切不善法起一切善業以得一切智慧一切善法起於一切助佛道法

斷一切煩惱一切障闕一切不善法起一切善業者唯善能遣諸惡以得一切智慧一切善法起於一切助佛道法者佛道法者大乘無漏之法

如是善男子是爲法施之會

從如是善男子以下廣明法施中第二結勸法施也就中自有二第一結是名法施之會是

若菩薩住是法施會者爲大施主亦爲一切世

間福田

二結勸法施

初結

二勸



第二從若菩薩以下勸明內得大施主之稱外為一切作福田所以法施恒修也

三因呵得益  
初時衆得益

世尊維摩詰說是法時婆羅門衆中二百人皆

發阿耨多羅三藐三菩提心

從世尊維摩詰以下釋辭中第三因呵得益就中亦有二第一明時衆得益波羅門衆中二百人皆發菩提心是

二善德自益

我時心得清淨

一直言自益

歎未曾有稽首禮維摩詰足

三以財報恩  
一瓔珞報恩

即解瓔珞價直百千以上之

第二從我時心得清淨以下明善德自得得益就中亦有三第一一直言自得得益我時心得清淨是第二以三業讚嘆未曾有口業禮足身業若非內意身口二業無由可發故知意業亦并也第三從即解瓔珞以下以財報恩就中亦有六第一明即解瓔珞報恩

不肯取

二淨名不受

第二明淨名不受不受意有二一須得施主意一應任受者之懷

我言居士願必納受隨意所與

三善德請任



四淨名受為財施

維摩詰乃受瓔珞分作二分持一分施此會中

最下乞人持一分奉波難勝如來一切眾會皆

見光明國土難勝如來又見珠瓔在彼佛上變

成四柱寶臺四面嚴飾不相障蔽

第三善德請受示其施意任受者懷也從我  
言居士以下是第四明淨名受瓔珞善為財  
施上既言財施不如法施而今善德猶以財  
施淨名亦受者欲令淨名復顯善為財施之  
義使乞時眾不平等之心何則如來既是可  
敬之寂乞人是可愛之極尊卑雖殊生福不

異故分為二一分奉如來一分施乞人若余  
如來即無尊可多奉乞人無卑應少施雖復  
財施若能如是上下平等者可言善為財施  
非但顯施即現淨土佛身及種種莊嚴之事  
者欲表若能平等作財施者終必得如是之  
報也瓔珞變成四柱寶臺者表行滿成佛四  
等普覆四生四面不障礙  
者表四辨化物無妨礙也

五更舉財法施

時維摩詰現神變已又作是言若施主等心施

一最下乞人猶如如來福田之相無所分別等

於大悲不求果報是則名曰具足法施



六明見聞得益

城中一最下乞人見是乞人聞其所說皆發阿

耨多羅二菝二菩提心

三結不堪

故我不任詣彼問疾

〇二惣結

如是諸菩薩各各向佛說其本緣稱述維摩詰所言皆曰不任詣彼問疾

從時維摩詰以下第五更舉財施弘通法施即有三句若施主等心施一最下乞人如如來福田之相無所分別者舉下齊上明平等言愛乞人等佛上敬心重等十大悲不求果

報者舉上齊下明平等言敬佛等乞人上悲心重也是則名曰具足法施者結也從城中貧人以下第六明貧類見聞淨名神力所變及其所說發心得益故我不任詣彼問疾者辭中第三結不堪從如是諸菩薩以下品中第二惣結不堪也

維摩詰經義疏中卷之二終



撰述



新學新義卷之四





